




CONCELLO
DE VIGO



VIGO

EN 90 SEGUNDOS



**CONCURSO ONLINE
DE CURTAMETRAXES**

#Vigoen90segundos
#HistoriasdeNavidadenVigo

BASES DE PARTICIPACIÓN

■ **1** O Concurso en liña de Microcurtametraxes “**Historias do Nadal de Vigo en 90 segundos**” está dirixido a realizadores ou afeccionados de todas as idades, residentes ou non en Vigo. **Nota importante: Os menores de idade son benvidos a participar sempre que os traballos sexan presentados por un titor.**

■ **2** A participación no concurso é gratuíta e libre.

■ **3** Os interesados poderán presentar unha única obra a concurso.

■ **4** Os traballos poden ser rodados **con calquera dispositivo smartphone, cámaras domésticas ou profesionais** e está permitida a edición ou tratamento posterior de imaxes cos programas que os participantes consideren oportunos.

■ **5** A temática ten que ser o Nadal de Vigo. Os vídeos poden ser **ficción ou en clave documental**: comedias, dramas, animación... O único requisito é que teñan por escenario o Nadal de Vigo. Valorarase que mostren as sorprendentes localizacións que ofrece a cidade en Nadal e que promocionen a cultura, o patrimonio e os valores destas festas.

■ **6** Os microcortos poderán ser rodados en castelán ou en galego (ou poden ser sen voz). Se están en calquera outro idioma deberán ir subtitulados en lingua española ou galega.

■ **7** A duración máxima dos vídeos ten que ser de **90 segundos**, incluídos os créditos se os teñen.

■ **8 Inscripción:** para participar hai que cumprimentar o formulario cos datos do participante -ou representante se se trata dunha obra colectiva- que atoparedes na páxina da Vigo Film Office (www.vigofilmoffice.com). Neste mesmo formulario poderedes subir o vídeo en **formato 3GP, 3GPP, MP4, FLV, MKV, MOV ou AVI** ou ben a ligazón da plataforma onde estea previamente subido (Vimeo, Facebook, Youtube, etc). Se non se fai chegar esta información, dita obra quedará automaticamente fóra de concurso e non se publicará na nosa web para o seu visionado público.

■ **9** Todas as persoas ou espazos privados que aparezan nos microcortos han de expresar o seu consentimento aos participantes. En ningún momento aceptaranse traballos que atenten contra a honra dun colectivo, inclúan material discriminatorio ou vulneren os dereitos ou a dignidade das persoas. A Vigo Film Office resérvase o dereito de deixar fóra da convocatoria calquera obra que atente contra terceiros.

■ **10** Os autores son os responsables do uso legal de materiais de terceiros na creación das obras presentadas (música ou calquera outro recurso).

■ **11 Datas de inicio e finalización.** O período de presentación das obras será **desde o 1 de decembro ao 10 de xaneiro ás 23.59 horas**. As obras presentadas poderán ser visualizadas na páxina web da Vigo Film Office (www.vigofilmoffice.com) durante todo o período de presentación. **A Vigo Film Office resérvase o dereito a non subir á plataforma aquelas pezas que non cumpran cos requisitos ou uns estándares mínimos de calidade.**

■ **12 Votacións:** Do 1 ao 15 de febreiro (ambos incluídos) poderase votar entre os vídeos que o xurado da Vigo Film Office preseleccionaría. Desta votación sairá o Premio do Público.

■ **13 Premios.** Un xurado profesional convocado pola organización do concurso visualizará as obras finalistas e outorgará os seguintes premios:

- Premio ao Mellor microcorto (500 euros en tarxeta regalo)
- Premio ao Mellor microcorto dunha escola de audiovisuais (450 euros en tarxeta regalo).
- Premio ao microcorto máis orixinal (400 euros en tarxeta regalo)
- Premio ao Mellor microcorto de animación (400 euros en tarxeta regalo)
- Premio do Público ao microcorto máis votado na nosa canle de Instagram (300 euros en tarxeta regalo)
- Premio ao mellor microcorto dun autor de fóra de Galicia (300 euros en tarxeta regalo)
- Premio ao Mellor microcorto realizado por un menor (250 euros en tarxeta regalo).

O Xurado terá a potestade para a interpretación destas bases así como de declarar deserto algún premio se a calidade dos traballos presentados non se considera suficiente.

■ **14** Finalizado o proceso de selección, o **1 de marzo** publicaranse os gañadores na páxina web da Vigo Film Office e en medios sociais e **comunicarase tamén o resultado aos gañadores** por correo electrónico. **A entrega dos premios** realizarase nun acto público na data que se anunciará con suficiente antelación.

■ **15** Os autores, tanto premiados como non, **cederán ao Concello de Vigo os dereitos de explotación das obras**, consistentes na reprodución, distribución e comunicación pública, os cales se farán sempre co recoñecemento da súa condición de autor excepto manifestación en contra.

■ **16 Protección de datos persoais:** A Vigo Film Office, na súa condición de responsable de tratamento, informa que os datos solicitados para o rexistro das persoas participantes serán tratados conforme á lexislación en materia de protección de datos, e particularmente conforme ao disposto na Lei Orgánica de Protección de Datos Persoais e garantía dos dereitos dixitais (LOPDGDD). As persoas participantes poderán en calquera momento exercer os seus dereitos de acceso aos datos, rectificación ou supresión, limitación do seu tratamento, oposición ao mesmo; así como a portabilidade dos seus datos, dirixíndose á dirección de correo electrónico protecciondedatos@vigocb.org, especificando "Protección Datos" e achegando fotocopia do seu DNI.